

Na osnovu člana 230. Zakona o privrednim društvima, člana 6., 7. i 8. Uredbe o vršenju ovlaštenja u privrednim društvima sa učešćem državnog kapitala iz nadležnosti FBiH, člana 106. i 131. Statuta UNIS „GINEX“ d.d. Goražde. Odluke Nadzornog odbora, broj: 08-39V-2/25 od 19.02.2025. godine, Nadzorni odbor UNIS „GINEX“ d.d. Goražde, objavljuje:

**OBAVJEŠTENJE
O SAZIVANJU 16. VANREDNE SKUPŠTINE DIONIČARA
PRIVREDNOG DRUŠTVA UNIS „GINEX“ d.d. GORAŽDE**

I

16. vanredna Skupština dioničara privrednog društva UNIS „GINEX“ d.d. Goražde održat će se u ponedjeljak 10.03.2025. godine, u poslovnim prostorijama Društva u Goraždu, ul. Višegradska bb, sa početkom u 12,00 sati, sa slijedećim prijedlogom

DNEVNOG REDA

1. Izbor Predsjednika Skupštine i dva (2) ovjerivača zapisnika;
2. Donošenje Odluke o razrješenju člana Nadzornog odbora privrednog društva UNIS „GINEX“ d.d. Goražde na lični zahtjev;
3. Donošenje Odluke o razrješenju članova Nadzornog odbora privrednog društva UNIS „GINEX“ d.d. Goražde ispred državnog kapitala radi isteka perioda na koji su imenovani;
4. Donošenje Odluke o izboru i imenovanju članova Nadzornog odbora privrednog društva UNIS „GINEX“ d.d. Goražde na mandatni period od 4 (četiri) godine;
5. Donošenje odluke o utvrđivanju elemenata za zaključenje Ugovora sa Predsjednikom i članovima Nadzornog odbora.

II

U Odbor za glasanje imenovani su:

1. Vranj Almas, - Predsjednik
 2. Hurić Senad- član
 3. Herak Amela – član
 - 1 zamjenici članova: Mirvić Mensura i Muamera Perjan.
- Zapisničar na Skupštini će biti Anera Dučić-Hurić-Sekretar Društva. Zamjenik zapisničara je Anela Adžamija.

III

Dioničar ili grupa dioničara s najmanje 5% ukupnog broja dionica sa pravom glasa ima pravo pisano predložiti izmjenu dnevnog reda i prijedloga akata Skupštine Društva najkasnije osam dana od dana objavljivanja ovog Obavještenja.

IV

S obzirom da članovima Nadzornog odbora ispred državnog kapitala ističe period na koji su imenovani, dioničar-Federacija BiH ima pravo predložiti kandidate za 2 (dva) člana Nadzornog odbora.

Kandidata za člana Nadzornog odbora može predložiti dioničar ili grupa dioničara sa najmanje 5% dionica sa pravom glasa.

Prijedlog kandidata se podnosi pismeno, najkasnije 8 (osam) dana od dana objavljivanja Obavještenja o sazivanju 16. vanredne Skupštine Društva. Prijedlog kandidata za člana Nadzornog odbora mora sadržavati potrebne informacije i dokumentaciju koja se odnosi na ispunjavanje uslova za članstvo u Nadzornom odboru.

Kandidati za članove Nadzornog odbora moraju prije glasanja dati pismenu izjavu o prihvatanju kandidature.

V

Pravo učešća u radu i odlučivanju Skupštine imaju dioničari upisani u listu dioničara UNIS „GINEX“ d.d. Goražde kod Registra vrijednosnih papira u Federaciji Bosne i Hercegovine, 30 dana prije datuma održavanja Skupštine ili posljednjeg radnog dana koji prethodi tom roku, ako on pada u neradni dan.

VI

Pravo učešća u radu i odlučivanju Skupštine dioničar može ostvariti lično ili putem punomoćnika koji može biti svako poslovno sposobno fizičko lice ili pravno lice registrovano za poslove posredovanja u prometu vrijednosnih papira i udruženja sa statusom pravnog lica osnovanog i registrovanog radi udruživanja i zastupanja dioničara, u kojem slučaju ovlaštenja iz punomoći vrši zakonski ili opunomoćeni zastupnik takvog pravnog lica. Jednog dioničara na Skupštini može zastupati samo jedan punomoćnik.

VII

Dioničar-punomoćnik koji želi učestvovati u radu i odlučivanju Skupštine obavezan je u roku od 24 sata prije datuma određenog za održavanje Skupštine u pisanom obliku podnijeti Odboru za glasanje prijavu učešća u radu i odlučivanju Skupštine.

Prijava se dostavlja Društvu lično, poštanskom pošiljkom, na e-mail: ginexinfo@bih.net.ba ili fax broj: +387 38 221 402.

Punomoć za učešće u radu i odlučivanju Skupštine daje se nakon objavljivanja ovog Obavještenja u obliku pisane izjave potpisane od dioničara i punomoćnika, ovjerenog u skladu sa propisima.

Punomoćnik je dužan uz prijavu za učešće u radu i odlučivanju Skupštine priložiti punomoć, a ukoliko punomoć nije dostavljena u originalu, original se dostavlja na samoj Skupštini.

VIII

Obrazac prijave i punomoći (osnovni elementi) može se preuzeti od Odbora za glasanje u sjedištu Društva, ul. Višegradska bb, Goražde.

IX

Glasanje na Skupštini Društva se odvija putem glasačkih listića koji sadrže: ime ili firmu dioničara i broj glasova kojim raspolaže.

X

Dioničari ili njihovi punomoćnici su dužni da se, uz ispravnu identifikaciju, registruju kod Odbora za glasanje i preuzmu glasačke listiće najkasnije 15 minuta prije vremena zakazanog za održavanje sjednice Skupštine Društva.

XI

Uvid u materijale dioničar/punomoćnik može izvršiti neposredno u Društvu, svaki radni dan u vremenu od 08,00 do 14,00 sati u periodu od objavljivanja ovog obavještenja do dana održavanja Skupštine.

XII

Ovo Obavještenje sa materijalima objavljeno je i na web stranici Društva.

**NADZORNI ODBOR
UNIS „GINEX“ d.d. GORAŽDE**

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U ŽIVINICAMA**

Broj: 33 0 P 094195 22 P
Živinice, 03. 06. 2024. godine

OGLAS

Pred ovim sudom u toku je parnični postupak tužitelja MF banka a.d. Banja Luka, ul. Aleja Svetog Save 61, Banja Luka, protiv tuženih Tairi Đizela sin Jahira iz Živinica, 2. ulica bb, Tairi Nasira sin Ejupa iz Živinica, 1. ulica bb, Tairi Jetona sin Nasira iz Živinica, 2. ulica bb i Osmankaj Aljija sin Ramadana iz Kladnja, Stupari centar bb, radi duga, v.sp. 10.601,00 KM, pa kako se tuženim na naznačene adrese nije u mogućnosti dostaviti tužbu na odgovor, to sud shodno odredbama čl. 348. st. 3. ZPP-a tužbu na obavezni odgovor dostavlja putem dnevnih novina - "Dnevni avaz".

Tužbeni zahtjev glasi:

Obavezuju se tuženi Tairi Đizel sin Jahira iz Živinica, 2. ulica bb, Tairi Nasir sin Ejupa iz Živinica, 1. ulica bb, Tairi Jetona sin Nasira iz Živinica, 2. ulica bb i Osmankaj Alji sin Ramadana iz Kladnja, Stupari centar bb, da tužitelju na ime glavnog duga solidarno isplate iznos od 10.601,00 KM, sa zakonskom zateznom kamatom počev od 27. 07. 2020. godine kao dana dospjeća pa do konačne isplate, te da tužitelju naknade troškove parničnog postupka u iznosu od 514,00 KM, a sve u roku od 30 dana od dana pravosnažnosti presude.

Tužitelj predlaže sudu donošenje presude zbog propuštanja ukoliko se ostvare zakonske pretpostavke za takvu odluku suda, a u skladu sa čl. 182. Zakona o parničnom postupku FBiH.

Predloženi dokazi tužioca koje tuženi može preuzeti u zgradi Suda su:

- Ugovor o kreditu broj 417-0115/2015-2 od 22. 12. 2015. godine
- Potvrda o kreditnom zaduženju komitenta od 05. 12. 2022. godine
- Opomena pred utuženje, otkaz ugovora o kreditu broj 107-8820/2020 od 08. 07. 2020. godine, sa povratnicom
- Opomena pred utuženje, otkaz ugovora o kreditu broj 107-8824/2020 od 08. 07. 2020. godine, sa povratnicom
- Opomena pred utuženje, otkaz ugovora o kreditu broj 107-8826/2020 od 08. 07. 2020. godine, sa povratnicom
- Opomena sudužniku pred utuženje, otkaz ugovora o kreditu broj 107-8825/2020 od 08. 07. 2020. godine, sa povratnicom

Sud putem "Dnevnog Avaza" dostavlja navedenu tužbu tuženima Tairi Đizel, Tairi Nasiru, Tairi Jetonu i Osmankaj Aljiju, na obavezni odgovor koji poučava kako slijedi:

Pozivamo Vas da u roku od 30 dana dostavite sudu obavezni pismeni odgovor na tužbu u dovoljnom broju primjeraka za sud i protivnu stranu-tužitelja (čl. 454. st. 1. i 2., čl. 70. st. 1. u svezi s čl. 52. st. 2. Zakona o parničnom postupku FBiH).

- Dužni ste dostaviti pismeni odgovor na tužbu u navedenom roku, koji mora biti razumljiv i mora sadržavati sve ono što je potrebno da bi se njemu moglo postupiti, a posebno u istom treba navesti:

1. Oznaku suda i broj predmeta, ime i prezime, prebivalište ili boravište stranaka i njihovih punomoćnika te predmet spora.
2. Procesne prigovore koje ne možete isticati nakon dostavljanja odgovora na tužbu (npr. Prigovor mjesne nadležnosti čl. 19. st. 1. ZPP FBiH).
3. Decidno se izjasniti da li priznate ili osporavate tužbeni zahtjev.
4. Ukoliko osporavate tužbeni zahtjev dužni ste u odgovoru na tužbu tačno navesti RAZLOGE zbog kojih osporavate tužbeni zahtjev, ČINJENICE na kojima zasnivate svoje navode i dostavite DOKAZE kojima se utvrđuju te činjenice (čl. 71. ZPP FBiH).
5. Uz isprave sastavljene na stranom jeziku dužni ste dostaviti ovjeren prevod (čl. 134. st. 2. ZPP FBiH).
6. Ukoliko predlažete provođenje dokaza saslušanjem svjedoka dužni ste za svakog svjedoka navesti tačno ime, prezime, ime jednog roditelja, adresu stanovanja, na koje okolnosti predlažete da se svjedok sasluša (čl. 137. st. 3. ZPP FBiH).
7. Pismeni odgovor morate osobno potpisati (čl. 334. st. 2. ZPP FBiH).

Ukoliko sudu dostavite nerazumljiv i nepotpun odgovor na tužbu, sud će Vam isti vratiti u smislu odredaba čl. 336. Zakona o parničnom postupku FBiH.

- Ukoliko u navedenom roku ne dostavite pismeni odgovor na tužbu sud će donijeti Presudu i usvojiti tužbeni zahtjev - Presuda zbog propuštanja (čl. 182. st. 1. ZPP-a).

NAPOMENA: Dostava se smatra obavijenom protekom roka od 15 dana od dana objavljivanja (čl. 348. st. 4. ZPP-a FBiH).

Sudija
Lucija Tadić